

**COFNODION CYFARFOD O'R CYNGOR SIR A GYNHALIWIYD YN SIAMBR Y
CYNGOR – NEUADD Y SIR, LLANDRINDOD, POWYS AR DDYDD IAU 21
CHWEFROR 2019**

YN BRESENNOL

Y Cyngorydd Sir DW Meredith (Cadeirydd)

Y Cynghorwyr Sir MC Alexander, M Barnes, B Baynham, G Breeze, L V Corfield, K W Curry, A W Davies, B Davies, D E Davies, P Davies, S C Davies, M J Dorrance, E Durrant, D O Evans, J Evans, L Fitzpatrick, L George, J Gibson-Watt, M R Harris, S M Hayes, H Hulme, A Jenner, E A Jones, D R Jones, E Jones, G Jones, J R Jones, E M Jones, M J Jones, D Jones-Poston, F H Jump, K Laurie-Parry, H Lewis, K Lewis, P E Lewis, S Lewis, I McIntosh, S McNicholas, C Mills, JG Morris, N Morrison, R Powell, WD Powell, D R Price, GD Price, P C Pritchard, G Pugh, J Pugh, G W Ratcliffe, L Roberts, P Roberts, K M Roberts-Jones, E Roderick, D Rowlands, D Selby, K S Silk, D A Thomas, R G Thomas, T J Van-Rees, E Vaughan, M Weale, J Wilkinson, A Williams, D H Williams, J Williams, J M Williams, R Williams a S L Williams

1.	YMDDIHEURIADAU
-----------	-----------------------

Derbyniwyd ymddiheuriadau am absenoldeb oddi wrth y Cynghorwyr Sir J Charlton, M Mackenzie, G Morgan a GIS Williams.

2.	DATGANIADAU O DDIDDORDEB
-----------	---------------------------------

Hysbyswyd aelodau gan Gyfreithiwr y Cyngor os byddai llinellau penodol y gyllideb yn cael eu trafod, y dylai aelodau ddatgan unrhyw ddiddordebau ar y pryd, gan lenwi'r ffurflen berthnasol.

3.	Y GYLLIDEB AR GYFER 2019-20, Y STRATEGAETH ARIANNOL TYMOR CANOLIG AR GYFER 2019-2024 A'R RHAGLEN CYFALAF AR GYFER 2019-2024
-----------	--

Bu'r Cyngor yn ystyried y gyllideb ar gyfer 2019/20, y Strategaeth Ariannol Tymor Canolig ar gyfer 2019 - 2024 a'r Rhaglen Cyfalaf ar gyfer 2019 - 2024 (ffeiliwyd copi gyda'r cofnodion a arwyddwyd).

Y Deiliad Portffolio dros Gyllid a gyflwynodd cyllideb y Cabinet. Nododd fod datblygu'r gyllideb a llwyddo i fantoli'r gyllideb yn hynod heriol. Nid oedd bellach yn hyfyw cyflenwi gwasanaethau yn yr un ffordd ag yn y gorffennol. Nododd fod y gyllideb arfaethedig yn diogelu amrediad o gyllidebau, gan gynnwys buddsoddiad o £1miliwn mewn ysgolion, a ychwanegwyd at eu cyllidebau dirprwyedig, buddsoddi mewn gwasanaethau plant ac oedolion, ac sy'n diogelu cyllid er mwyn datblygu prif flaenoriaethau Gweledigaeth 2025 megis Bargaen Twf Canolbarth Cymru. 12 mis yn ôl roedd bwlch sylweddol yn y gyllideb, ac er mwyn pontio'r bwlch hwnnw, cychwynnodd rhaglen o newidiadau trawsnewidiol. Nododd hefyd nad oedd y gyllideb yn dibynnu ar unrhyw gronfeydd wrth gefn.

Nododd y Swyddog Adran 151 taw rôl swyddogion oedd rhoi cyngor a chefnogi Aelodau, ond taw rôl yr Aelodau oedd penderfynu'r gyllideb. Nododd eto'r angen cyfreithiol i'r cyngor gytuno cyllideb gytbwys ac felly mae'n rhai cyllido unrhyw newidiadau i'r gyllideb arfaethedig. Nododd fod hon yn gyllideb anodd iawn, oedd yn cychwyn gyda bwlch o £17miliwn, ond fod y darpar gyllideb yn gadarn, ac roedd y cronfeydd yn ddigonol. Nododd fod CIPFA wedi cyngori y dilynwyd y gweithdrefnau priodol wrth lunio'r gyllideb.

Cyfeiriodd Cadeirydd y Panel Craffu ar Gyllid [FSP] at adroddiad yr FSP ar y gyllideb, a thynnodd sylw at y ffaith i'r panel ystyried fod y darpar gyllideb yn gyllideb uchel ei risg ac adweithiol. Roedd y Panel wedi cwestiynu diffyg cyfrifoldeb cyllidol y Bwrdd Gwella Gwasanaethau Plant, a thynnodd sylw at ddiffyg cynnydd o ran trawsnewid, gan groesawu penderfyniad Llywodraeth Cymru i lacio ar y rheolau, a thrwy hynny galluogi derbyn cyllid cyfalaf ar gyfer prosiectau, fyddai, yn ôl eu gobeithion nhw'n cael eu defnyddio'n llawn. Croesawodd y Deiliad Portffolio dros Gyllid sylwadau'r FSP gan nodi y byddai ef, dan y trefniadau newydd, yn aelod o'r Panel Cyllid newydd.

Cynigiodd y Cyngorydd Sir Gareth Jones welliant i'r argymhellion, a eiliwyd gan y Cyngorydd Sir Lucy Roberts:

"Yn dilyn adborth ar ôl trafodaethau am yr effaith botensial ar gymunedau o ran y lleihad arfaethedig i Lyfrgelloedd o £200mil LRP08. Ein cynnig yw dileu'r lleihad hwn o gyllideb 2019/20 er mwyn caniatáu cynnal trafodaethau pellach o fewn ein cymunedau, ac er mwyn mantoli'r arbedion hyn, y dylid lleihau'r cyfraniad arfaethedig i'r Cronfeydd Cyffredinol o £500mil i £300mil fel yr amlinellir ym mharagraff 7.10 yr adroddiad ar y cynnig ar gyfer y gyllideb."

Ein cynnig yw dileu'r bwriad i godi ffi ar ddeiliaid bathodynau gleision, sef arbediad HTP02, ac y dylid ychwanegu £50mil i arbedion y Rhaglen Trawsnewid HTR, HTP10, gan gynyddu hyn i £1.150miliwn."

Nododd y Swyddog Adran 151 fod y sefyllfa ariannol amcanestynedig wedi parhau i wella ers llunio'r adroddiad, ac felly byddai'n bosib derbyn y gwelliant a gynigiwyd i'r gyllideb.

Derbyniwyd sylw gan fod hyblygrwydd yn y gyllideb, y dylid gohirio'r ddadl ar y gyllideb, ac edrych eto ar y gyllideb. Cytunodd y Cadeirydd i dorri'r cyfarfod er mwyn caniatáu i'r Grwpiau ystyried y gwelliannau ar y bwrdd. Torrodd y Cyfarfod am 11.20 gan ailgynnull am 12.40.

Nododd Cyfreithiwr y Cyngor, gan y derbyniwyd nifer o welliannau, y ffordd i ddelio gyda'r rhain oedd gofyn i'r Cyngorwyr Sir Gareth Jones a Lucy Roberts "ildio" er mwyn ystyried gwelliant newydd. Cytunodd y Cyngorwyr hyn i "ildio". Cynigiodd y Cyngorydd Sir Michael Williams ac eiliodd y Cyngorydd Sir Hywel Lewis y dylid atal y Rheolau Sefydlog dros dro ar gyfer y cyfarfod. Cytunwyd hyn trwy godi dwylo.

Cynigiodd y Cyngorydd Sir Matthew Dorrance welliant i'r argymhellion, a eiliwyd gan y Cyngorydd Sir James Gibson-Watt

"Gan ystyried yr hyblygrwydd newydd o fewn y Gronfa Gyffredinol, mae grwpiau gwrthblaid y Cyngor, er eu bod yn deall y gwelliannau a gynigiwyd mewn perthynas â'r Lyfrgelloedd a Bathodynau Gleision, yn galw ar y Cyngor i:

1. Ohirio cytuno'r gyllideb tan ddydd lau 7fed Mawrth 2019 er mwyn i Gyngorwyr ac Uwch Swyddogion edrych ar y gyllideb eto, gan ganolbwyntio ar

2. Fanteisio i'r eithaf ar y cyllid a gynhrychir trwy gael gwared ar asedau cyfalaf er mwyn gyrru newid trawsffurfiol yn unol â chyfarwyddyd Llywodraeth Cymru er mwyn i'r :

3. Cyngor allu lleihau'r pwysau ariannol ar wasanaethau lleol hanfodol a lleihau'r baich ar unigolion sy'n talu Treth Gyngor."

Nododd y cynigydd, er ei fod yn deall y sefyllfa o ran gwasanaethau llyfrgelloedd a bathodynau gleision, oherwydd i'r Cyngor dderbyn y newyddion fod rhywfaint o hyblygrwydd yn y gyllideb, y dylai aelodau gael cyfle i ystyried y blaenoriaethau. Cyfeiriodd yr eilydd at y rhaff achub potensial y gall cyllid a godir trwy gael gwared ar asedau cyfalaf ei olygu, a sut y gall y Cyngor defnyddio'r cyllid yma, oherwydd mae goblygiadau'r gyllideb arfaethedig yn ddifrifol iawn, ac yn cynrychioli nid yn unig risg ariannol, ond risg gwleidyddol i'r Cyngor.

Cadarnhaodd y Swyddog Adran 151 yr adolygwyd ac aseswyd a fyddai'n bosib defnyddio'r holl wariant yn y gyllideb sylfaenol at ddiben trawsnewid. Nododd y risgiau sy'n gysylltiedig â defnyddio cyllid cyfalaf a'r effaith ar bwysau, megis costau diswyddo, yn y dyfodol. Bu'r Cyngor yn trafod y gwelliant, ac yn sgil pleidleisio arno, fe'i collwyd o 28 pleidlais i 34, gydag 1 yn atal pleidlais.

Torrodd y cyfarfod rhwng 13.26 a 14.18.

Aeth y cyfarfod ymlaen i drafod y gwelliannau gwreiddiol mewn perthynas â llyfrgelloedd a bathodynau gleision.

Datganodd y Cynghorydd Sir Peter Lewis ddiddordeb yn yr eitem nesaf, gan ei fod yn Gadeirydd CBC Clwstwr Gogledd Maldwyn Cyf, sy'n talu'r Cyngor am Lyfrgell Llanfyllin, a gadawodd y siambr.

Cynigiodd y Cynghorydd Sir Gareth Jones welliant i'r argymhellion, ac fe'i eiliwyd gan y Cynghorydd Sir Lucy Roberts:

"Yn sgil adborth trafodaethau am yr effaith botensial ar gymunedau yn sgil y lleihad arfaethedig i gyllideb Llyfrgelloedd o £200 mil LRP08. Ein cynnig yw dileu'r lleihad hwn o gyllideb 2019/20 er mwyn caniatáu cynnal trafodaethau pellach o fewn ein cymunedau, ac y dylid disodli'r arbedion arfaethedig trwy leihau'r cyfraniad arfaethedig tuag at y Cronfeydd Cyffredinol o £500mil i £300mil fel yr amlinellir ym mharagraff 7.10 yr adroddiad ar gynigion y gyllideb."

Trafodwyd y gwelliant gan aelodau'r Cyngor, ac yn dilyn pleidlais ar y cynnig, fe'i henillwyd o 61 pleidlais i 1 gydag un yn atal pleidlais.

Dychwelodd y Cynghorydd Sir Peter Lewis i'w sedd ar gyfer gweddill y cyfarfod.

Gadawyd y cyfarfod gan y Cynghorydd Sir Gareth Ratcliffe.

Datganwyd diddordeb yn yr eitem nesaf gan yr aelodau canlynol, ac felly roeddynt wedi gadael y siambr:

Mae gan berthynas Fathodyn Las – Y Cynghorwyr Sir Mark Barnes, James Evans, Liam Fitzpatrick, James Gibson-Watt, Heulwen Hulme, Arwel Jones, Hywel Lewis, Neil Morrison, Kath Roberts-Jones, Elwyn Vaughan a Jon Williams Yn defnyddio Bathodyn Glas – Y Cynghorwyr Sir Dai Davies, Susan McNicholas, Phil Pritchard, Edwin Roderick, Tim Van-Rees.

Cynigiodd y Cynghorydd Sir Gareth Jones welliant i'r argymhellion, ac fe'i eiliwyd gan y Cynghorydd Sir Lucy Roberts:

"Ein cynnig yw dileu'r bwriad i godi ffi ar ddeiliaid bathodynnew gleision, HTP02, ac y dylid ychwanegu £50mil i'r arbedion ar gyfer y Rhaglen Trawsnewid HTR, HTP10, gan gynyddu hyn i £1.150miliwn."

Cafwyd trafodaeth ar y gwelliant gan aelodau'r Cyngor, ac yn dilyn pleidlais, enillodd y gwelliant o 44 pleidlais i 0, gyda neb yn atal pleidlais.

Dychwelodd y Cynghorwyr Sir Mark Barnes, Dai Davies, James Evans, Liam Fitzpatrick, James Gibson-Watt, Heulwen Hulme, Arwel Jones, Hywel Lewis, Susan McNicholas, Neil Morrison, Phil Pritchard, Kath Roberts-Jones, Edwin Roderick, Tim Van-Rees, Elwyn Vaughan a Jon Williams i'w seddi am weddill y cyfarfod.

Cynigiodd y Cynghorydd Sir Iain McIntosh welliant i'r argymhellion, ac fe'i eiliwyd gan y Cynghorydd Sir Karl Lewis: "Y dylid cael adroddiad i'r Cyngor llawn ar adolygiad ffurfiol o ran sefyllfa'r arbedion o fewn 6 mis i osod y gyllideb, er mwyn i'r Cyngor gymryd pob cam posib i aros o fewn y gyllideb gyffredinol, ac os oes angen dylid dilyn hyn gydag adolygiad arall mewn deufis wedi hynny."

Trafodwyd y gwelliant gan aelodau'r Cyngor, ac yn dilyn pleidlais, enillodd y gwelliant o 37 pleidlais i 25, gydag un yn atal pleidlais.

ynigiodd y Cynghorydd Sir Iain McIntosh welliant i'r argymhellion, ac fe'i eiliwyd gan y Cynghorydd Sir Karl Lewis: "Fod y Cyngor yn cefnogi'r gwaith sydd ar y gweill i gael setliad ariannol tecach gan Lywodraeth Cymru sy'n adlewyrchu gwir gost cyflenwi gwasanaethau ym Mhowys, ac y dylid sefydlu gweithgor i gefnogi'r gwaith yma."

Trafodwyd y gwelliant gan aelodau'r Cyngor, ac yn dilyn pleidlais, enillodd y gwelliant o 56 pleidlais i 8, gyda neb yn atal pleidlais.

Cynigiodd y Cynghorydd Sir Matthew Dorrance welliant i argymhelliad 9 ar y gyllideb, ac fe'i eiliwyd gan y Cynghorydd Sir Sarah Williams: "Fod y Cyngor yn nodi fod y Gyllideb Gymreig wedi lleihau mewn termau real, ac os byddai gwariant wedi cyd-fynd â'r GDP, byddai gan Lywodraeth Cymru £4 biliwn ychwanegol i'w fuddsoddi mewn Gwasanaethau Cyhoeddus. Mae'r Cyngor yn galw ar ein haelodau ar GLILC i weithio gyda phartneriaid o fewn Llywodraeth Cymru a lloio Llywodraeth y DU i sicrhau cyllid teg i Gymru."

Trafodwyd y gwelliant gan aelodau'r Cyngor, ac yn dilyn pleidlais, enillodd y gwelliant o 42 pleidlais i 18, gyda 2 yn atal pleidlais.

Wedyn aeth y Cyngor ati i drafod argymhellion yr adroddiad. Torrodd y cyfarfod rhwng 15.32 a 15.47. Dychwelodd aelodau'r Cyngor i barhau i drafod argymhellion yr adroddiad. Nododd y Prif Weithredwr Dros Dro fod cael hyd i doriadau gwerth £12.7miliwn yn hynod anodd, a nododd fod y gyllideb arfaethedig yn gadarn. Nododd hefyd y cafodd yr holl arbedion arfaethedig eu gwerthuso, a bod swyddogion yn hyderus iawn y gellir gwireddu'r arbedion, a thrwy hynny diogelu blaenoriaethau mwy.

Cynigiodd Deiliad y Portffolio Cyllid argymhellion yr adroddiad ar y gyllideb, ac fe'i eiliwyd gan y Cynghorydd Sir Myfanwy Alexander.

Argymhelliad 1: Cytuno mewn egwyddor y Strategaeth Ariannol Tymor Canolir ar gyfer 2019 - 2024 fel y'i hamlinellir yn Atodiad 1 yr adroddiad - collwyd y bleidlais ar bleidlais fwrw'r Cadeirydd - 31 pleidlais o blaid, 31 yn erbyn, gyda 2 yn atal pleidlais.

Argymhelliad 2: Cytuno mewn egwyddor y Strategaeth Ariannol Tymor Canolig ar gyfer 2019 - 2024, fel y'i hamlinellir yn Atodiad 1 yr adroddiad - collwyd y bleidlais gyda 31 pleidlais o blaid, 32 yn erbyn, gyda 2 yn atal pleidlais.

Argymhelliad 3: Cymeradwyo'r Ffioedd a'r Taliadau a gynigir yn y Gofrestr Ffioedd a Thaliadau. (Atodiad 4 a 5) – Collwyd y bleidlais ar bleidlais fwrw'r Cadeirydd - 31 pleidlais o blaid, 31 yn erbyn, gyda 2 yn atal pleidlais.

Nododd Cyfreithiwr y Cyngor, o ganlyniad i ganlyniadau'r pleidleisiau uchod, nid oedd unrhyw bwynt i fwrw ymlaen oherwydd byddai angen ystyried y gyllideb ar ddyddiad arall.

Awgrymodd y Cynghorydd Sir James Gibson-Watt y dylid cynnal cyfarfod o'r Arweinyddion Grŵp ac y dylai'r Cabinet ystyried beth ddylai digwydd nesaf.

4.	TROSGLWYDDIADAU'R GYLLIDEB
-----------	-----------------------------------

4.1. Trosglwyddiad ar gyfer Cyfleusterau Crynhoi Gwastraff Ailgylchu Gogledd Powys

Cafodd y trosglwyddiad cyfalaf ar gyfer Cyfleusterau Crynhoi Gwastraff Ailgylchu Gogledd Powys ei ystyried gan y Cyngor, a drosglwyddwyd o 2018/19 i 2019/20.

Gadawyd y cyfarfod gan y Cynghorwyr Sir Emily Durrant a John Morris.

Cynigiodd y Cynghorydd Sir Gary Price welliant i'r argymhelliad, ac fe'i eiliwyd gan y Cynghorydd Sir Liam Fitzpatrick:

1. Y dylid dwyn ymlaen £2,723,482.33 o'r gyllideb i 2019/20 er mwyn cyflawni Cyfleusterau Crynhoi Gwastraff Ailgylchu Gogledd Powys, fel y cyfeiriwyd ato yn y trosglwyddiad gwreiddiol.

2. Y dylid cynnal trafodaethau parhaus gyda'r gymuned leol i sicrhau y caiff y safle mwyaf addas ar gyfer Cyfleusterau Crynhoi Gwastraff Ailgylchu ei ddewis a'i ddatblygu ar gyfer Gogledd Powys.

3. Fod y Cyngor yn derbyn adroddiad manwl ar gynnydd, gan gynnwys argymhellion, yn sgil cynnal y trafodaethau parhaus gyda'r gymuned leol a chyn cychwyn ar y gwaith i ddarparu Cyfleusterau Crynhoi Gwastraff Ailgylchu yng Ngogledd Powys.

Cynhaliwyd trafodaeth ar y gwelliant, ac enillodd y bleidlais gyda 42 o blaid ac 11 yn erbyn, gydag 1 yn atal pleidlais.

Diwygiwyd yr argymhelliad yn sgil hynny, ac yn dilyn pleidlais fe'i gymeradwywyd gyda 42 pleidlais o blaid, 5 yn erbyn, a neb yn atal pleidlais.

PENDERFYNWYD	Rheswm dros y penderfyniad
1. Y dylid dwyn ymlaen £2,723,482.33 o'r gyllideb i 2019/20 er mwyn cyflenwi Cyfleusterau Crynhoi Gwastraff Ailgylchu yng Ngogledd Powys yn unol â'r trosglwyddiad gwreiddiol. 2. Y dylid parhau i gynnal trafodaethau parhaus gyda'r gymuned leol i sicrhau y caiff y safle mwyaf addas ei ddewis a'i ddatblygu ar gyfer Cyfleusterau Crynhoi Gwastraff Ailgylchu yng Ngogledd Powys. 3. Fod y Cyngor yn derbyn adroddiad cynnydd manwl, gan gynnwys argymhellion, yn dilyn cynnal y trafodaethau parhaus gyda'r gymuned leol, a chyn cychwyn ar y gwaith i ddarparu Cyfleusterau Crynhoi Gwastraff Ailgylchu Gogledd Powys.	Sicrhau y caiff trosglwyddiadau priodol eu prosesu er mwyn adlewyrchu'r gwariant cyfalaf amcanestynedig.

4.2. Trosglwyddiad ar gyfer Prosiectau Ysgolion yr 21ain Ganrif

Cafodd y trosglwyddiad cyfalaf ei ystyried gan y Cyngor mewn perthynas â Phrosiectau Ysgolion yr 21ain Ganrif.

Cynigiodd y Cynghorydd Sir Aled Davies, ac eiliwyd y cynnig, gyda 50 pleidlais o blaid, a 0 yn erbyn

PENDERFYNWYD	Rheswm dros y penderfyniad
Cymeradwyo'r trosglwyddiadau canlynol: Ysgol Uwchradd Aberhonddu - £2,393,803 Ysgol Uwchradd Gwernyfed -£5,150,733 Ysgol Bro Hyddgen -£3,116,160	Sicrhau y caiff trosglwyddiadau priodol eu prosesu er mwyn adlewyrchu'r gwariant cyfalaf amcanestynedig.

4.3. Trosglwyddiad ar gyfer Cyfarwyddyd Cyfalafu

Ystyriwyd y trosglwyddiad i greu Cyfarwyddyd Cyfalafu er mwyn defnyddio incwm cyfalaf o werthu asedau tir ac adeiladau, gan aelodau er mwyn cyllido'r costau a nodwyd ar gyfer Diwygio a Thrawsnewid Gwasanaethau trwy ddefnyddio'r pwerau a roddwyd i'r awdurdod trwy adrannau 16(2)(b) ac 20 Deddf Llywodraeth Leol 2003 - Delio gyda Chostau Penodol fel Gwariant Cyfalaf.

Nododd y Cyngor y caiff manylion llawn y costau sy'n cael eu cyfalafu eu nodi mewn Nodyn Datgelu yn y Datganiad o Gyfrifon, a bydd angen i'r Pwyllgor Archwilio ei gymeradwyo, wrth gymeradwyo'r Datganiad o Gyfrifon. Y swm fydd yn cael ei ddefnyddio yn 2018/19 yw £3.104miliwn.

Cynigiodd y Cyngorydd Sir Aled Davies ac eiliwyd y cynnig, gyda 50 pleidlais o blaid, a 0 yn erbyn

PENDERFYNWYD	Rheswm dros y trosglwyddiad
Cymeradwyo'r trosglwyddiad o £3.104m fel yr amlinellir ym mharagraff 1.1 yr adroddiad.	Sicrhau y caiff trosglwyddiadau priodol eu prosesu er mwyn adlewyrchu'r gwariant cyfalaf amcanestynedig.

Wrth ateb cwestiwn, nododd Cyfreithiwr y Cyngor sut, yn unol â'r Cyfansoddiad, y gellir cyflwyno hysbysiad o gynnig.

Diolchodd yr Arweinydd i David Powell, Dirprwy Prif Weithredwr ac i Mohamed Mehmet, y Prif Weithredwr Dros Dro, am eu gwaith yn ystod y cyfnod anodd diweddar.

5.	YSGOL GYNRADD BANW AC YSGOL (SEFYDLEDIG) YR EGLWYS YNG NGHYMRU LLANERFYL
-----------	---

Nodwyd i'r eitem hon gael ei thynnu yn ei ôl ac y byddai'n cael ei hystyried yn y cyfarfod ar 7 Mawrth, 2019. Nododd y Cyngor nad oedd swyddogion ar gael ar gyfer y cyfarfod.

6.	EITEMAU WEDI'U HEITHRIO
-----------	--------------------------------

PENDERFYNWYD eithrio'r cyhoedd ar gyfer yr eitem ganlynol ar y sail y byddai'n datgelu gwybodaeth wedi'i heithrio iddynt dan gategori 1 Gorchymyn Awdurdodau Lleol (Mynediad at Wybodaeth) (Amrywiaeth) (Cymru) 2007).

7.	ADREFNU'R TÎM UWCH REOLI
-----------	---------------------------------

Cafodd adroddiad y Prif Weithredwr Dros Dro ei ystyried can y Cyngor.

Cynigiodd y Cyngorydd Sir Phil Pritchard ac eiliodd y Cyngorydd Sir Michael Williams a gyda 44 pleidlais o blaid, a 0 yn erbyn

PENDERFYNWYD	Rheswm dros y penderfyniad
1. Fod y taliadau diswyddo a thaliadau pensiwn yn cyd-fynd â pholisi'r Cyngor ac nad ydynt yn cael eu cyfoethogi.	
2. Bod achos busnes clir dros ddiswyddo, ym mhob achos.	

Y Cyngorydd Sir DW Meredith (Cadeirydd)